

朱充瑛妻郝氏封淑人孀姑曹氏性嚴重好潔有心疾展轉
需人非氏不愜氏須臾不離者垂四十餘年跪伏進膳積
久手足幾不能屈伸曹氏曰吾死何以報汝願汝有婦亦
以事我者事汝耳其後婦許氏事郝盡孝果如曹氏言雲
人傳爲美談

輔國將軍朱充刻妻張氏年十九適充刻逾年充刻卒守節
四十年育孤有成萬曆丁未詔旌

馬恒妻陳氏年二十一夫亡守節四十餘年奉詔旌表

丁淮妻梁氏早孀撫子世臣娶王氏年二十五世臣疾謂王
曰母孀子幼皆若責也氏領之矢志事育不負遺言當事
旌其門曰雙節

朱成鈺妻劉氏成鈺毆殺宗人繫獄論死詔自盡氏先期詣